

四庫全書

經部

欽定四庫全書

經部

儀禮集傳集註卷二十七

詳校官尚書臣德保

給事中臣溫常綬覆勘

總校官進士臣繆琪

校對官監丞臣張曾炳

謄錄監生臣錢雋選

欽定四庫全書

儀禮集傳集註卷三十七

宋 朱子 撰

王朝禮四之上

樂制

周禮大宗伯以天產作陰德以中禮防之以地產作陽

德以和樂防之

天產者動物謂六牲之屬地產者植物謂九穀之屬陰德陰氣在人者陰氣虛

純之則劣故食動物作之使動過則傷性制中禮以節之陽德陽氣在人者陽氣盈純之則躁故食植物作之

使靜過則傷性制和樂以節之如是  
然後陰陽平性情和而能育其類  
以禮樂合天地之

化百物之產以事鬼神以諧萬民以致百物  
禮濟虛樂損盈並行

則四者乃得其和能生非類曰化生其種曰產  
大司樂以六律六同五聲八

音六舞大合樂以致鬼神示以和邦國以諧萬民以安

賓客以說遠人以作動物  
示音祇說音悅六律合陽聲者也六同合陰聲者也此

十二者以銅為管轉而相生黃鐘為首其長九寸各因而三分之上生者益一分下生者去一焉國語曰律所

以立均出度也古之神瞽考中聲而量之以制度律均鐘言以中聲定律以律立鐘之均大合樂者謂偏作六

代之樂以冬至作之致天神人鬼以夏日至作之致地祇物魎動物羽羸之屬虞書曰夔曰夏擊鳴球搏拊

琴瑟以詠祖考來格虞賓在位羣后德讓下管鼗鼓合  
止祝嘏筦鏞以間鳥獸蹌蹌蕭韶九成鳳凰來儀夔曰  
於予擊石拊石百獸率舞庶尹  
允諧此其於宗廟九奏效應乃分樂而序之以祭以

享以祀

一分謂各用一代之樂

乃奏黃鐘歌大呂舞雲門以祀天神

以黃鐘之鐘大呂之聲為均者黃鐘陽聲之首大呂為  
之合奏之以祀天神尊之也天神謂五帝及日月星辰  
也王者又各以夏正月祀其所受命之帝於南郊尊之也  
郊尊之也孝經說曰祭天南郊就陽位是也乃奏大

族歌應鐘舞咸池以祭地示

大音泰族七豆反大族陽聲第二應鐘為之合咸

通大歲也地示所祭於北郊謂神州之神及社稷

乃奏姑洗歌南呂舞大磬以

祀四望

洗先典反聲音韶合四望五嶽四鎮四瀆此言祀者司中司命風

姑洗陽聲第三南呂為之

師雨師或亦用此樂與

乃奏鞀賓歌函鐘舞大夏以祭山川

鞀人誰反

函胡南反

鞀賓陽聲第四

乃奏夷則歌小呂舞大濩

以享先妣

濩戶故反

夷則陽聲第五

小呂為之合小

神靈而生后稷是周之先母也周立廟自后稷為始祖姜嫄無所妃是以特立廟而祭之謂之閼宮閼神之

妃音配本

乃奏無射歌夾鐘舞大武以享先祖

射音亦無射

陽聲之下也夾鐘為之合夾鐘名園鐘先祖謂先王先公

凡六樂者文之以五聲

播之以八音

六者言其均皆待五聲八音乃成也播之言被也故書播為藩杜子春云藩當為播

讀如后稷播百穀之播

凡六樂者一變而致羽物及川澤之示再

變而致羸物及山林之示三變而致鱗物及丘陵之示

四變而致毛物及墳衍之示五變而致介物及土示六

變而致象物及天神

羸力果反 變猶更也樂成則更奏也此謂大蜡索鬼神而致百物

六奏樂而禮畢東方之祭則用大簇姑洗南方之祭則用蕤賓西方之祭則用夷則無射北方之祭則用黃鐘為均焉每奏有所感致和以來之凡動物敏感疾者地祇高下之甚者易致羽物既飛又走川澤有孔竅者蛤蟹走則遲墳衍孔竅則小矣是其所以舒疾之分土祇原隰及平地之神也象物有象在天所謂四靈者天地之神四靈之知非德至和則不至禮運曰何謂四靈麟鳳龜龍謂之四靈龍以為畜故魚鮪不忿鳳以為畜故鳥龜以為畜故人情不失

**凡樂圜鐘為宮黃鐘為角大**

族為徵姑洗為羽雷鼓雷鼗孤竹之管雲和之琴瑟雲  
門之舞冬日至於地上之園丘奏之若樂六變則天神  
皆降可得而禮矣凡樂函鐘為宮大族為角姑洗為徵  
南呂為羽靈鼓靈鼗孫竹之管空桑之琴瑟咸池之舞  
夏日至於澤中之方丘奏之若樂八變則地示皆出可  
得而禮矣凡樂黃鐘為宮大呂為角大族為徵應鐘為  
羽路鼓路鼗陰竹之管龍門之琴瑟九德之歌九磬之  
舞於宗廟之中奏之若樂九變則人鬼可得而禮矣

徵張



里反需音雷叢徒刀反此三者皆禘大祭也天神則  
主北辰地祇則主崑崙人鬼則主后稷先奏是樂以致  
其神禮之以玉而裸焉乃後合樂而祭之大傳曰王者  
必禘其祖之所自出祭法曰周人禘嘗而郊稷謂此祭  
天圜立以鬯配之圜鐘夾鐘也夾鐘生於房心之氣房  
心為大辰天帝之明堂函鐘林鐘也林鐘生於未之氣  
未坤之位或曰天社在東井與鬼之外天社地神也黃  
鐘生於虛危之氣虛危為宗廟以此三者為宮用聲類  
求之天宮夾鐘陰聲其相生從陽數其陽無射無射上  
生中呂中呂與地宮同位不用也中呂上生黃鐘黃鐘  
下生林鐘林鐘地宮又不用林鐘上生大簇大簇下生  
南呂南呂與無射同位又不用南呂上生姑洗地宮林  
鐘林鐘上生大簇大簇下生南呂南呂上生姑洗人宮  
黃鐘黃鐘下生林鐘林鐘地宮又辟之林鐘上生大簇  
大簇下生南呂南呂與天宮之陽同位又辟之南呂上  
生姑洗姑洗南呂之合又辟之姑洗下生應鐘應鐘上

生徒賓徒賓地宮林鐘之陽也又辟之徒賓上生大呂凡五聲宮之所生濁者為角清者為徵羽此樂無商者祭尚柔商堅剛也鄭司農云雷鼓雷鼗皆謂六面有革可擊者也雲和地名也靈鼓靈鼗四面路鼓路鼗兩面九德之歌春秋傳所謂水火金木土穀謂之六府正德利用厚生謂之三事六府三事謂之九功九功之德皆可歌也謂之九歌也玄謂雷鼓雷鼗八面靈鼓靈鼗六面路鼓路鼗四面孤竹竹特生者孫竹竹枝根之未生者陰竹生於山北者雲和空桑龍門皆山名九磬讀當為大韶字之誤

凡舞有帔舞有

羽舞有皇舞有旄舞有干舞有人舞

帔音弗故書皇作翌鄭司農云帔

舞者全羽羽舞者析羽皇舞者以羽冒覆頭上衣飾翡翠之羽旄舞者旄牛之尾干舞者兵舞者舞者手舞社稷以帔宗廟以羽四方以皇辟雖以旄兵事以干星辰以人舞翌讀為皇書亦或為皇玄謂帔析五采繒合靈

星舞子持之是也皇雜五采羽如鳳凰色持以舞人舞  
無所執以手袖為威儀四方以羽宗廟以人山川以干  
早曠**教樂儀行以肆夏超以采薺車亦如之環拜以鐘**

**鼓為節**

薺徐私反  
廷之儀故書

教樂儀教王以樂出入於大寢朝  
超作踰鄭司農云踰當為超書亦

或為趨肆夏采薺皆樂名或曰皆逸詩謂人君行步以  
肆夏為節超疾於步則以采薺為節若今時行禮於大  
學罷出以鼓陔為節環謂旋也拜直拜也玄謂行者謂  
於大寢之中超謂於朝廷爾雅曰堂上謂之行門外謂  
之超然則王出既服至堂而肆夏作出路門而采薺作  
其反入至應門路門亦如之此謂步迎賓客王如有車  
出之事登車於大寢西階之前反降於阼階之前尚書  
傳曰天子將出撞黃鐘之鐘右五鐘皆應入則撞蕤賓  
之鐘左五鐘皆應

大師於是奏樂

**凡射王以騶虞為節諸侯以狸首為**

節大夫以采蘋為節士以采繁為節

采蘋側留反 采繁皆樂章

駒虞

名在國風召南唯狸首在樂記射義曰駒虞者樂官備也狸首者樂會時也采蘋者樂循法也采繁者樂不失職也是故天子以備官為節諸侯以時會為節卿大夫以循法為節士以不失職為節鄭司農說以大射禮曰樂正命大師曰奏狸首間若一大師不興許諾樂正反位奏狸首以射狸首曾孫樂師

王宮縣

諸侯軒縣卿大夫判縣士特縣

縣音玄之屬縣

於筍簾者鄭司樂縣謂鐘磬

農云宮縣四面縣軒縣去其一面判縣又去其一面特縣又去其一面四面象宮室四面有牆故謂之宮縣軒縣三面其形曲故春秋傳曰請曲縣繁纓以朝諸侯之禮也故曰唯器與名不可以假人玄謂軒縣去南面辟王也判縣左右之合又空北面

凡縣鐘磬半為堵全為

持縣縣於東方或於階間而已

肆

鐘磬者編縣之二八十六枚而在一簾謂之堵鐘一堵磬一堵謂之肆半之者謂諸侯之卿大夫士也諸

侯之卿大夫半天子之卿大夫西縣鐘東縣磬士亦半天子之士縣磬而已鄭司農云以春秋傳曰歌鐘二肆

骨

小

太師掌六律六同以合陰陽之聲陽聲黃鐘大

簇姑洗蕤賓夷則無射陰聲大呂應鐘南呂函鐘小呂

夾鐘皆文之以五聲宮商角徵羽皆播之以八音金石

土革絲木匏竹凡樂事以鐘鼓奏九夏王夏肆夏昭

夏納夏章夏齊夏族夏祊夏騶夏

齊側皆反祊古哀反騶五羔反以鐘鼓

者先擊鐘次擊鼓以奏九夏夏大也樂之大歌有九故書納作內杜子春云內當為納祊讀為陔鼓之陔王出

入奏王夏尸出入奏肆夏牲出入奏昭夏四方賓來奏  
納夏臣有功奏章夏夫人祭奏齊夏族人侍奏族夏客  
醉而出奏陔夏公出入奏肆夏肆夏詩也春秋傳曰穆  
叔如晉晉侯享之金奏肆夏之三不拜工歌文王之三  
又不拜歌鹿鳴之三三拜曰三夏天子所以享元侯也  
使臣不敢與聞肆夏與文王鹿鳴俱稱三謂其三章也  
以此知肆夏詩也國語曰金奏肆夏繁過渠天子所以  
享元侯肆夏繁過渠所謂三夏矣呂叔玉曰肆夏繁過  
渠皆周頌也肆夏時邁也繁過執競也渠思文也肆遂  
也夏大也言遂於大位謂王位也故時邁曰肆于時夏  
允王保之繁多也過止也言福祿止於周之多也故執  
競曰降福穰穰降福簡簡福祿來反渠大也言以後稷  
配天王道之大也故思文曰思文后稷克配彼天故國  
語謂之曰皆昭令德以合好也玄謂以文王鹿鳴言之  
則九夏皆詩篇名頌之族類也此歌之大者載  
在樂章樂崩亦從而亡是以頌不能具鍾師典同

掌六律六同之和以辨天地四方陰陽之聲以為樂器

陽聲屬天陰聲屬地天地之聲布於四方為作也故書同作銅鄭司農云陽律以竹為管陰律以銅為管竹陽也銅陰也各順其性凡十二律故大師職曰執同律以聽軍聲玄謂律述氣者也同助陽宣氣與之同皆以銅為凡聲高聲硯正聲緩下聲肆波聲散險聲斂達聲羸

微聲鬴回聲衍侈聲柝弇聲鬱薄聲甄厚聲石

硯古本反波彼

義反鬴音閤柝側百反甄音震故書硯或作硯杜子春讀硯為鏗鎗之鏗高謂鐘形容高也鬴讀為閤不明之閤柝讀為行危喈喈之喈石如磬石之聲鄭大夫讀硯為袞冕之袞波讀為人短罷之罷鬴讀為鵲鬴之鬴鄭司農云鐘形下當蹕正者不高不下鐘形上下正傭玄謂高鐘形大上上大也高則聲上藏袞然旋如裏正

謂上下正直則聲緩無所動下謂鐘形大下大也下則聲出去放肆放讀為險放之放放謂偏侈放則聲離散也險謂偏奔也險則聲斂不越也達謂其形微大也達則聲有餘若大放也微謂其形微小也齠讀為飛鉗淫齠之齠齠聲小不成也回謂其形微圓也回則其聲淫衍無鴻殺也侈謂中央約也侈則聲迫侈出去疾也奔謂中央寬也奔則聲鬱勃不出也甄讀為甄濯之甄甄猶掉也鐘微薄則聲掉鐘大厚則如石叩之無聲

凡為樂器以十有二律為之數度以十有二聲為之齊

量

齊才計反量音亮廣長也齊量侈奔之所容

數度

凡和樂亦如之

和謂調其故器也

爾雅釋樂曰宮謂之重商謂之敏角謂之經徵謂之

迭羽謂之柳

皆五音之別名其義未詳

大瑟謂之灑

灑所買反長八尺一寸廣一



尺八寸二  
十七弦

大琴謂之離

或曰琴大者二十七弦未詳長短廣雅曰琴長三尺六寸六分

五弦大鼓謂之鼗

鼗音積鼓長八尺

小者謂之應

詩曰應陳縣鼓在大鼓側

大

磬謂之磬

磬虛驕反犁鎔以玉石為之

大笙謂之巢

列管宛中施簧管端

大

大者十  
九簧

小者謂之和

十三簧者鄉射記曰三笙一和而成聲

大箎謂之沂

箎音池沂音銀上出一寸三分

箎以竹為之長尺四寸圍三寸一孔翹橫吹之小者尺二寸廣雅云八孔

大壎謂之跔

壎許緣反跔音叫子銑上平底形如稱錘六孔小者如雞子

大鐘謂之鏞

書曰笙鏞以間亦名鐃音博

其中謂之剽小者謂之棧

大簫謂之言

剽音瓢棧側簡反二十三管長尺四寸

編

小者謂之笑

笑戶交反

十六管長尺  
二寸蕭一名籥

大管謂之箛

箛九筵反

管長尺圍寸  
併漆之有底賈氏以為如

箛六孔

其中謂之簞小者謂之箛大簞謂之簞

簞乃結反  
箛音妙

簞如笛三孔而短  
小廣雅云七孔

其中謂之仲小者謂之箛徒鼓瑟謂

之步

箛音渥  
獨作之

徒吹謂之和徒歌謂之謠

吹昌睡反  
詩云我歌且

謠

徒擊鼓謂之罍

罍五各反  
云或歌或罍詩

徒鼓鐘謂之修徒鼓

磬謂之蹇

蹇紀展反  
未見義所出

所以鼓祝謂之止

祝昌孰反  
祝如漆桶方

二尺四寸深一尺八寸中有椎柄  
連底桐之令左右擊止者其椎名

所以鼓鼗謂之鼗  
鼗敵

呂反鼗之仁反  
十七鉦鉦刻以木長尺櫟之鼗者具名

敵如伏虎背上有二

大鼗謂之麻小

者謂之料

料力彫反長也料者聲清而不亂

麻者音而

和樂謂之節

鳧

氏為鐘兩樂謂之銑

樂力端反銑先典反樂杜子春云當為樂書亦或為樂

故書樂作

銑鐘口兩角

銑間謂之于于上謂之鼓鼓上謂之鉦鉦上謂

之舞

鉦音征此四名者鐘體也鄭司農云于鐘脣之上祛也鼓所擊處

舞上謂之角角

上謂之衡

角音勇二名者鐘柄此

鐘縣謂之旋旋蟲謂之幹

縣音旋

如字

旋屬鐘柄所以縣之也鄭司農云旋蟲者旋以蟲為飾也玄謂今時旋有蹲熊盤龍辟邪

鐘

帶謂之篆篆間謂之枚枚謂之景

帶所以介其名也介在于鼓鉦舞角衡之

間凡四鄭司農云枚鐘乳也玄謂今時鐘乳使鼓與舞每處有九面三十六

于上之擁謂之

隧擁音摩 擁所擊之處 擁弊也 隧在鼓中 室而生光 有似夫隧 室爲華反 十分其銑去

二以爲鉦以其鉦爲之銑間去二分以爲之鼓間以其

鼓間爲之舞脩去二分以爲舞廣去起呂反 廣古曠反 此言鉦之徑居銑

徑之八而銑間與鉦之徑相應鼓間又居銑徑之六與舞脩相應舞脩舞徑也舞上下促以橫爲脩從爲廣舞

廣四分今亦去徑之二分以爲之間則舞間之方恒居銑之四也舞間方四則鼓間六亦其方也鼓六鉦六舞

四此鐘口十者其長十六也鐘之大數以律爲度廣長與圍徑假設之耳其鑄之則各隨鐘之制爲長短大小

也凡言間者亦爲從篆以介之鉦間亦當六今時鐘或無鉦間 以其鉦之長爲之角長

并衡數也 以其角長爲之圍參分其圍去一以爲衡圍衡居角上

又參分其角長二在上一下在下以設其旋今衡居一分則參分旋亦

二在上一下在下以旋薄厚之所震動清濁之所由出侈

弇之所由興有說說猶意也故書侈作侈鄭司農云當為侈鐘已厚則石厚

則聲不發已薄則播大薄則聲散侈則柝柝側百反柝讀為咋咋然之咋聲大外也

弇則鬱聲不舒揚長角則震鐘掉則聲不正是故大鐘十分其鼓間

以其一為之厚小鐘十分其鉦間以其一為之厚言若此則

不石不播也鼓鉦之間同方六而今宜異又十分之一猶大厚皆非也若言鼓外鉦外則近之鼓外二鉦外一

鐘大而短則其聲疾而短聞聞音問下同淺鐘小而

長則其聲舒而遠聞

深則安難息

為遂六分其厚以其一為

之深而圜之

厚鐘厚深謂室之也其室圜故書圜或作圜杜子春云當為圜

韞人為

韞陶

韞音運也玄謂韞者以韞陶名官也

鄭司農云韞書或為韞韞陶鼓木也韞則陶字從革

長六

尺有六寸左右端廣六寸中尺厚三寸

廣古曠反中廣頭狹為穹版

隆也鄭司農云謂鼓木一判者其兩端廣六寸而其中更廣尺也如此乃得有腹

穹者三之一

鄭司農云穹讀為志無空邪之空謂鼓木腹穹隆者居鼓三之一也玄謂穹讀如穹蒼之穹穹隆者居鼓面三

分之一則其鼓四尺者版穹一尺三寸三分寸之一也倍之為二尺六寸三分寸之二加鼓四尺穹之徑六尺

六寸三分寸之二也此鼓合二十版

上三正

鄭司農云謂兩頭一平中央一平也玄謂三當為參正直

也參直者穹上一直兩端又直各居二尺二寸不弧曲也此鼓兩面以六鼓差之賈侍中云晉鼓大而短近晉

鼓也以晉鼓長八尺鼓四尺中圍加三之一謂之鼗鼓

鼗扶云反中圍加三之一者加於面之圍以三分之一也面四尺其圍十二尺加以三分一四尺則中圍十

六尺徑五尺三寸三分寸之一也今亦合二十版則版穹六寸三分寸之二耳大鼓謂之鼗以鼗鼓鼓軍事鄭

司農云鼓四尺謂為臯鼓長尋有四尺鼓四尺倨句磬

革所蒙者廣四尺折倨音據句音鉤折之設反以臯鼓鼓役事磬折凡

冒鼓必以啓蟄之日啓蟄孟春之中也蟄蟲始聞雷聲而動鼓所取象也冒蒙鼓以革

良鼓瑕如積環革調也鼓大而短則其聲疾而短聞鼓小

而長則其聲舒而遠聞

磬氏為磬倨句一矩有半

先必

度一矩為句一矩為股而求其弦既而以一矩有半觸其弦則磬之倨句也磬之制有大小此假矩以定倨句

非用其度耳

其博為一

博謂股博也博廣也

股為二鼓為三參分其股

博去一以為鼓博參分其鼓博以其一為之厚

鄭司農云股磬

之上大者鼓其下小者所當擊者也玄謂股外面鼓內面也假令磬股廣四寸半者股長九寸也鼓廣三寸長

尺三寸半厚一寸

已上則摩其旁

鄭司農云磬聲太上則摩鑊其旁玄謂太上聲清也薄而

廣則濁

已下則摩其端

端音端大下聲濁也短而厚則清

魯隱公問羽

數於衆仲

衆音終執羽人數

對曰天子用八

八八六

諸侯用



六

六六三  
十六人

大夫四

四四十  
六人

士二

二二四  
有功賜用樂

夫舞所以

節八音而行八風

八音金石絲竹匏土革木也八風八方之風八音之器播八方之風手之

舞之足之蹈之節其制而叙其情

故自八以下

唯天子得盡物數故以八為列諸侯則不敢用

八左氏  
隱五年

荀子曰聲樂之象鼓大麗鐘統實磬廉制

竽笙簫和管籥發猛塤箎翁搏瑟易良

易以  
鼓反琴婦好歌

清盡舞天道兼

兼音  
建

鼓其樂之君耶故鼓似天鐘似地

磬似水竽簫管籥似星辰日月鞀柷拊控揭似萬物

鞀音

柷昌六反拊音撫  
控苦江反揭苦瞎反

曷以和舞之意曰目不自見耳不

自聞也然而洽俯仰詘信進退遲速莫不廉制

詘音屈  
信音申

盡筋骨之力以要鐘鼓拊會之節而靡有悖逆者衆積

譟譟乎

要平聲悖布內  
反譟直黎反

白虎通曰八音者何謂也土

曰埴竹曰管皮曰鼓匏曰笙絲曰絃石曰磬金曰鐘木

曰祝敔此謂八音也法易八卦也埴坎音也管艮音也

鼓震音也絃離音也鐘兌音也祝敔乾音也埴在十一

月埴之為言勲也陽氣於黃泉之下勲蒸而萌匏之言

施也在十二月萬物始施而勞笙者太簇之氣象萬物

之生故曰笙有七正之節焉有六合之和焉天下樂之

樂音洛下同

故謂之笙鼓震音煩氣也萬物憤懣震動而生

懣音悶

雷以動之溫以煖之風以散之雨以濡之奮至德

之聲感和平之氣也同聲相應同氣相求神明報應天地祐之其本乃在萬物之始耶故謂鼓也鞀者震之氣也上應昴星以通王道故謂之鞀也簫者中之氣萬物生於無聲見於無形僂也簫也故謂之簫簫者以祿為本言承天繼物為民本人力加地道化然後萬物賡也

故謂之簫也瑟者嗇也閑也所以懲忿宮商角則宜君  
父有節臣子有義然後四時和四時和然後萬物生故  
謂之瑟也琴者禁也所以禁止淫邪正人心也磬者夷  
則之氣也象萬物之盛也其氣磬故曰磬有貴賤焉有  
親疎焉有長幼焉長丁  
大反朝廷之禮貴不讓賤所以有尊  
卑也鄉黨之禮長不讓幼所以明有年也宗廟之禮親  
不讓疎所以明有親也此三者行然後王道得王道得  
然後萬物成天下樂用磬也鐘之為言動也陰氣用事

萬物動成鐘為氣用金聲也鑄者時之氣聲也

博音節

度之所生也君臣有節度則萬物昌無節度則萬物亡與昌正相迫故謂之鑄祝故者終始之聲萬物之所生也陰陽順而復故曰祝承順天地序迎萬物天下樂之故樂用祝祝始也故終也一說笙祝鼓簫瑟塤鐘磬也如其次笙在北方祝在東北方鼓在東方琴在南方塤在西南方鐘在西方磬在北方也聲五音八何聲為本出於五行音為末象八風故樂記曰聲成文謂之音

比音而樂之謂之樂也 景王將鑄無射而為之大林

賈侍中云無射鐘名律中無射也大林無射之覆也作無射而為大林以覆之其律中林鐘也或說云鑄無射而加以林鐘之數並之昭謂下言細抑大陵又單穆公曰聽聲越遠如此則實言無射有覆近之矣

曰不可夫鐘不過以動聲

單音善以金奏而八音從之動聲謂合樂

若無

射有林耳不及也

若無射復有大林以覆之無射陽聲之細者林鐘陰聲之大者細抑大陵

故耳不能聽及也

夫鐘聲以為耳也耳所不及非鐘聲也

非法鐘之

聲猶目所不見不可以為目也

若目之精明所不能見亦不可以施目也耳目

所不能及而強之則有眩惑之失以生疾也

夫目之察度也不過步武尺寸

之間

六尺為步賈君以半步為武

其察色也不過墨丈尋常之間

五尺

為墨倍墨為丈八尺為尋倍尋為常

耳之察銖也在清濁之間

清濁律呂之變也黃

鐘為宮則濁大呂為角則清

其察清濁也不過一人之所勝

勝音升勝舉

也是故先王之制鐘也大不出鈞重不過石

鈞所以鈞音之發也

以木長七尺有絃繫之以為鈞法百二十斤為石

律度量衡於是乎生

律五聲陰陽之

法也度丈尺也量斗斛也衡有斤兩之數生於黃鐘黃鐘之管容拒泰千二百粒粒百為銖是為一倫倫二為

合合重一兩故曰律度量衡於是乎生也

小大器用於是乎出

出於鐘也易曰制器者尚

其象小謂錙銖分寸大謂斤兩丈尺故聖人慎之今王作鐘也聽之弗及

耳不及知

比之不度

不度不中鈞石之數

鐘聲不可以知

能聽

其清濁也

故不可制度不可以出節

節謂法度量衡之節

無益於樂而鮮民

財將焉用之夫樂不過以聽耳而美不過以觀目若聽

樂而震觀美而眩患莫甚焉

焉用之焉於度反

夫耳目心之樞

機也

樞機發動也心有所欲耳目為之發動

故必聽和而視正聽和則聰

視正則明

習於和正則不眩惑也

聰則言聽明則德昭聽言昭德

則能思慮純固以言德於民民歆而德之則歸心焉

許

金反

言德以言發德教也

是以作無不濟求無不獲然後能



樂若視聽不和而有震眩則味入不精不精則氣佚氣

佚則不和

不和無射大林也若聽樂而震視色而眩則味入不精美味入不精美則氣放佚不行於

身體於是乎有狂悖之言有眩惑之明有轉易之名有過

慝之度

悖布內反慝它得反慝惡也此四者氣佚之所生狂悖眩惑說子朝寵賓孟也轉易過惡譬

子配適將殺大臣也

出令不信

有轉易也

刑政放紛動不順時民無據

依不知所力各有離心

不知所為盡力也

上失其民作則不濟

求則不獲其何以能樂王弗聽問之伶州鳩對曰臣聞

之琴瑟尚宮

凡樂輕者從大重者從細故琴瑟尚宮也

鐘尚羽

鐘聲大故尚羽也

石

尚角

石磬也輕於鐘故尚角角清濁之中也

斲竹利制

斲笙也竹簫管也利制以聲音調利

為制無所尚也

大不踰宮細不過羽夫宮音之主也第以及羽

宮聲大故為主第次也

故樂器重者從細

重謂金石也從細尚細聲謂鐘尚羽石尚角也

輕者從大

輕瓦絲也從大謂瓦絲尚宮也

是以金尚羽石尚角瓦絲尚

宮斲竹尚議

議議從其調和

革木一聲

革鼗鼓也木祝敔也一聲無清濁之變

夫

政象樂樂從和從平

和八音克諧也平細大不踰也故可以平民樂和則諧政和則

也聲以和樂律以平聲

謂五聲也以式八音而調樂也賈侍中云律黃鐘為宮林鐘為

徵太簇為商南呂為羽姑洗為角所以平五聲也

金石以動之

鐘磬所以發動五聲絲竹

以行之

以管絃所行之

詩以道之

道已志也誦之曰詩書曰詩言志

歌以詠之

詠詠詩也書曰歌永言聲依永

匏以宣之

宣發也

瓦以贊之

贊助也

革木以

節之物得其常曰樂極

物事也極中也

極之所集曰聲

聲會也言中和

之所會集

聲應相保曰和

保安也

細大不踰曰平

細大之聲不相

踰越曰平今無射有大林是不平也

如是而鑄之金

鑄金以爲鐘也

磨之石

磨石以爲

磬繫之絲木

繫絲木以爲琴瑟也

越之匏竹

越匏竹以爲笙管也越謂爲之孔也樂記

曰朱絃節之鼓

短節其長

而行之以遂八風

遂順也傳曰所以節八音

而行八風也正西曰兌爲金爲閭闔風西北曰乾爲石爲不周風正北曰坎爲革爲廣莫風東北曰艮爲匏爲

融風正東曰震為竹為明庶風東南曰巽為木為清於  
明風正南曰離為絲為景風西南曰坤為瓦為涼風於

是乎氣無滯陰亦無散陽

滯積也積陰而發則夏有霜  
電散陽陽不藏冬無冰李梅

實之類也陰陽序次風雨時至嘉生繁祉人民和利物備而

樂成上下不罷

罷音皮  
罷勞也

故曰樂正今細抑大陵不容

於耳非和也

細無射也大大林也言大聲陵之細聲  
抑而不聞不容於耳耳不能容別也

聽

聲越遠非平也

越遠也言無射之聲為大林  
所陵聽之微細遠非平也

夫有和平

之聲於是乎道之以中德詠之以中音

中德中庸之德  
舞也中音中和

之音也

德音不愆以合神人

合神人謂祭  
祀享宴也

神是以寧民是

以聽若夫匱財用罷民力以逞淫心

逞快也

聽之不辭比

之不度無益於教而離民怒神非臣之所聞也王不聽

國語

周景王將鑄無射

無射鐘名律中無射

伶州鳩曰王其

以心疾死乎

伶樂官州鳩其名也

夫樂天子之職也

職所主也

夫音樂

之興也

樂因音而行

而鐘音之器也

音由器以發

天子省風以作

樂

省風俗作樂以移之

器以鍾之

鍾聚也器聚音

輿以行之

樂須音而作

小

者不窕

窕他彫反窕細不滿

大者不掬

掬戶化反掬橫大不入

則和於物

物和則嘉成

嘉樂成也

故和聲入於耳而藏於心心億則樂

樂音洛  
億安也

窅則不感

感戶暗反一本作感

如字不充滿人心 擻則不容心

堪心是以感感實生疾今鍾擻矣王心弗堪其能久乎

左氏昭二十一年

太史公曰夫上古明王舉樂者非以娛心

自樂

樂音洛

快意恣欲將為治也正教者皆始於音音正

而行正故音樂者所以動盪血脈通流精神而和正心也故宮動脾而和正聖商動肺而和正義角動肝而和正仁徵動心而和正禮羽動腎而和正智故樂所以內輔正心而外異貴賤也上以事宗廟下以變化黎庶也

琴長八尺一寸

琴上疑有闕字八尺一寸者是京房律準

正度也弦大者為

宮而居中央為君商張右傍其餘大小相次不失其次

序則君臣之位正矣故聞宮音使人溫舒而廣大聞商

音使人方正而好義聞角音使人惻隱而愛人聞徵音

使人樂善而好施聞羽音使人整齊而好禮

好呼報反一出聲

詩外傳謂湯作濮云云

夫禮由外入樂自內出故君子不可須臾

離禮須臾離禮則暴慢之行窮外不可須臾離樂須臾

離樂則姦邪之行窮內

離去聲行下孟反下同

故樂音者君子之

所以養義也夫古者天子諸侯聽鐘磬未嘗離於庭卿大夫聽琴瑟之音未嘗離於前所以養行義而防淫佚也

佚音

夫淫佚生於無禮故聖人使人耳聞雅頌之音

目視威儀之禮足行恭敬之容口言仁義之道故君子終日言而邪辟無由入也

辟讀為僻

王朝禮四之下

樂記

凡音之起由人心生也人心之動物使之然也感於物



而動故形於聲

宮商角徵羽雜出曰音單出曰聲形猶見也

聲相應故生變

樂之器彈其宮則衆宮應然不足樂是以變之使雜也易曰同聲相應同氣相求春秋傳曰若以水濟水誰能食之若琴瑟之專一誰能聽之變成方謂之音方猶文章也比音而樂之及

千戚羽旄謂之樂

比毗志反也羽翟羽也

千盾也戚斧也武舞所也旄旄牛尾也文舞所

執周禮舞師樂師掌教舞有兵舞有千舞有羽舞有旄舞詩曰左手執籥右手秉翟

樂者音之所

由生也其本在人心之感於物也是故其哀心感者其

聲噍以殺其樂心感者其聲嘽以緩其喜心感者其聲

發以散其怒心感者其聲粗以厲其敬心感者其聲直

以廉其愛心感者其聲和以柔六者非性也感於物而

后動

唯子堯反殺色界反樂心之樂音洛彈昌善反言人聲在所見非有常也唯取也彈寬綽貌發猶

揚也粗

是故先王慎所以感之者故禮以道其志樂以

和其聲政以一其行刑以防其姦禮樂刑政其極一也

行

下益反極至也

所以同民心而出治道也

此其所謂至也

凡音者

生人心者也情動於中故形於聲聲成文謂之音是故

治世之音安以樂其政和亂世之音怨以怒其政乖亡

國之音哀以思其民困聲音之道與政通矣

樂音洛思去聲言

八音和否隨政也王藻曰御替幾聲之上下

宮為君商為臣角為民徵為事

羽為物五者不亂則無怙慝之音矣

怙昌廉反慝昌制反五者君臣民

事物也凡聲濁者尊清者卑怙慝般敗不和貌

宮亂則荒其君驕商亂則陂其

官壞角亂則憂其民怨徵亂則哀其事勤羽亂則危其

財匱五者皆亂迭相陵謂之慢如此則國之滅亡無日

矣陂彼義反荒猶散也陂傾也書曰王荋荒易曰無平不陂

君臣民事物其道亂則其音應而亂

鄭

衛之音亂世之音也比於慢矣

比猶同也

桑間濮上之音亡

國之音也其政散其民流誣上行私而不可止也

濮音卜

濮水之上地有桑間者亡國之音於此之水出也昔殷紂使師延作靡靡之樂已而自沈於濮水後師涓過焉夜聞而寫之為晉平公鼓之是

之謂也桑間在濮陽南誣罔也

凡音者生於人心者

也樂者通倫理者也

倫猶類也理分也

是故知聲而不知音者

禽獸是也知音而不知樂者衆庶是也唯君子為能知

樂

禽獸知此為聲爾不知其宮商之變也八音並作克諧曰樂

是故審聲以知音審

音以知樂審樂以知政而治道備矣是故不知聲者不

可與言音不知音者不可與言樂知樂則幾於禮矣禮

樂皆得謂之有德德者得也

幾近也聽樂而知政之得失則能正君臣民事物之

禮是故樂之隆非極音也食饗之禮非致味也

食音嗣隆猶

盛也極窮也

清廟之瑟朱弦而疏越壹倡而三歎有遺音者

矣大饗之禮尚玄酒而俎腥魚大羹不和有遺味者矣

倡昌諒反和去聲

清廟謂作樂歌清廟也朱弦練朱

弦練則聲濁越瑟底孔也畫疏之使聲遲也倡發歌句

也三歎三人從歎之耳大饗祫祭先王以腥魚為俎實

不臠孰之大羹肉湑不調以鹽菜遺猶餘也今按呂

氏春秋遺皆是故先王之制禮樂也非以極口腹耳目

作進乎近是

之欲也將以教民平好惡而反人道之正也

好惡並去聲教之

使知好

天地之道寒暑不時則疾風雨不節則饑教

惡也

者民之寒暑也教不時則傷世事者民之風雨也事不

節則無功

教謂樂也

然則先王之為樂也以法治也善則行

象德矣

以法治以樂為治之法行象德民之行順君之德也

夫民有血氣心知

之性而無哀樂喜怒之常應感起物而動然後心術形

焉

言在所以感之也術所由也形猶見也

是故志微噍殺之音作而民思

憂譚諧慢易繁文簡節之音作而民康樂粗厲猛起奮

末廣賁之音作而民剛毅廉直勁正莊誠之音作而民

肅敬寬裕肉好順成和動之音作而民慈愛流辟邪散

狄成滌濫之音作而民淫亂

知音智思吏反譚昌善反易以鼓反樂音洛賁扶

粉反肉而救反辟匹亦反志微意細也吳公子札聽鄭風而曰其細已甚民弗堪也簡節少易也奮末動使

四支也賁讀為憤憤怒氣充實也春秋傳曰血氣狡憤肉肥也狄滌往來疾貌也濫偕差也此皆民心無常之

或為潤

是故先王本之情性稽之度數制之禮義合生

氣之和道五常之行使之陽而不散陰而不密剛氣不

怒柔氣不懾四暢交於中而發作於外皆安其位而不

相奪也

行下益反懾之涉反五常五行也密之言閑也

生氣陰陽氣也懾猶恐懼也

然後立

之學等廣其節奏省其文采以繩德厚

等差也各用其才之差學之廣

謂增習之省猶審也文采謂節奏合也繩猶度也周禮大司樂以樂語教國子興道諷誦言語以樂舞教國子舞雲門大卷大咸大韶大夏大濩大武律小大之稱比始終之序以象事

行

稱尺證反此毗志反

律六律也周禮典同以六律

正聲之類也終始謂始於宮終於羽以象事行宮為君商為臣

使親疎貴賤長幼男女之理皆形見於樂故曰樂觀其

深矣

長丁丈反見音現謂同聽之莫不和敬莫不和順莫不和親

土敝則草木不

長水煩則魚鼈不大氣衰則生物不遂世亂則禮慝而

樂淫是故其聲哀而不莊樂而不安慢易以犯節流湏



以忘本廣則容姦狹則思欲感條暢之氣而滅和平之

德是以君子賤之也

長丁丈反酒醪鮮反遂猶成也  
慝穢也廣謂聲緩也狹謂聲急也

感動也動人條暢  
之善氣使失其所

凡姦聲感人而逆氣應之逆氣成象

而淫樂興焉正聲感人而順氣應之順氣成象而和樂

興焉倡和有應回邪曲直各歸其分而萬物之理各以

類相動也

和去聲分扶問反  
成象者謂人樂習焉

是故君子反情以和其

志比類以成其行姦聲亂色不留聰明淫樂慝禮不接

心術惰慢邪辟之氣不設於身體使耳目鼻口心知百

體皆由順正以行其義

行去聲辟匹亦反知音智反猶本也術猶道也

然後

發以聲音而文以琴瑟動以干戚飾以羽旄從以簫管

奮至德之光動四氣之和以著萬物之理

奮猶動也動至德之光謂

降天神出地祇假祖考著猶成也

是故清明象天廣大象地終始象四

時周還象風雨五色成文而不亂八風從律而不姦百

度得數而有常小大相成終始相生倡和清濁迭相為

經

還音旋清明謂人聲也廣大謂鐘鼓也周還謂舞者五色五行也八風從律應節至也百度百刻也言

日月晝夜不失正也清謂鼙賓至應鐘濁謂黃鐘至中呂

故樂行而倫清耳目聰明

血氣和平移風易俗天下皆寧

言樂用則正人理和陰陽也倫謂人道也

故

曰樂者樂也君子樂得其道小人樂得其欲以道制欲

則樂而不亂以欲忘道則惑而不樂

樂也之樂音洛下同道謂仁義也

欲謂邪淫也

是故君子反情以和其志廣樂以成其教樂行

而民鄉方可以觀德矣

鄉去聲方猶道也

德者性之端也樂

者德之華也金石絲竹樂之器也詩言其志也歌咏其

聲也舞動其容也三者本於心然後樂器從之是故情

深而文明氣盛而化神和順積中而英華發外唯樂不

可以為偽

三者本志也聲也容也言無此本於內則不能為樂也

樂者心之動也

聲者樂之象也文采節奏聲之飾也君子動其本樂其

象然後治其飾是故先鼓以警戒三步以見方再始以

著往復亂以飭歸奮疾而不拔極幽而不隱獨樂其志

不厭其道備舉其道不私其欲是故情見而義立樂終

而德尊君子以好善小人以聽過故曰生民之道樂為

大焉

樂其獨樂之樂並去聲見音現好去聲之威儀也先鼓將奏樂先擊鼓以警戒眾也

文采樂也三步

謂將舞必先三舉足以見其舞之漸也再始以著往武王除喪至盟津之上紂未可伐還歸三年乃遂伐之武

舞再更始以明伐時再往也復亂以飭歸謂鳴鏡而退明以整歸也奮疾謂舞者也極幽謂歌者也夫樂

者樂也人情之所不能免也樂必發於聲音形於動靜

人之道也聲音動靜性術之變盡於此矣

樂也樂必之樂正音洛

免猶自止也人道人之所為也性術言此出於性也盡於此不可過

故人不<sub>也</sub>耐無樂樂不

耐無形形而不為道不耐無亂

樂音洛形聲音動靜也耐古書能字也後世

變之此獨存焉古以能為三台字

先王恥其亂故制雅頌之聲以道之

使其聲足樂而不流使其文足論而不息使其曲直繁

瘠廉肉節奏足以感動人之善心而已矣不使放心邪

氣得接焉是先王立樂之方也

足樂之樂音洛肉而救反流猶淫放也文篇

辭也息猶銷也曲直歌之曲折也繁瘠廉肉是故樂在

聲之鴻殺也節奏闕作進止所應也方道也

宗廟之中君臣上下同聽之則莫不和敬在族長鄉里

之中長幼同聽之則莫不和順在閨門之內父子兄弟

同聽之則莫不和親故樂者審一以定和比物以飾節

節奏合以成文所以合和父子君臣附親萬民也是先

王立樂之方也

長丁丈反比毗志反審一審其人聲也此物謂雜金革土匏之屬也以成文

五聲八音克諧相應和

故聽其雅頌之聲志意得廣焉執其干戚

習其俯仰詘伸容貌得莊焉行其綴兆要其節奏行列

得正焉進退得齊焉故樂者天地之命中和之紀人情

之所不能免也

詘立勿反綴知衛反要平聲行戶剛反綴兆域也舞者進退所至也要猶會也命教也紀總要之名也夫樂者先王之所以飾

喜也軍旅鈇鉞者先王之所以飾怒也故先王之喜怒

皆得其儕焉

鈇音夫鉞音越儕仕皆反儕猶輩類

喜則天下和之怒則

暴亂者畏之先王之道禮樂可謂盛矣

天子之於天下喜怒節之以禮

樂則兆民和從而畏敬之禮樂王者所常興則盛也以上並樂記

雅頌之聲皆發於

辭本於情故君臣以睦父子以親故韶夏之樂也聲浸乎金石潤乎草木今取怨思之聲施之於弦管聞其音者不淫則悲淫則亂男女之辨悲則感怨思之氣

思息  
嗣反

豈所謂樂哉故事不本於道德者不可以為儀言不合乎先王者不可以為道音不調乎雅頌者不可以為樂也是故賢人之政降人以體聖人之政降人以心體降可以圖始心降可以保終降體以禮降心以樂所謂樂者非金石絲竹也謂人樂其家謂人樂其族謂人樂其



業謂人樂其都邑謂人樂其政令謂人樂其道德如此

君人者乃作樂以節之使不失其和故有德之君以樂

樂人無德之君以樂樂身樂人者久而長樂身者不久

而亡

樂其樂人樂身之樂並音洛

三略先王之樂所以節百事也故

有五節

五聲之節

遲速本末以相及中聲以降五降之後不

容彈矣

此謂先王之樂得中聲聲成五降而息也降罷退

於是有煩手淫聲

埶心耳乃忘平和君子弗聽也

埶王刀反埶音因五降而不息則雜聲並奏

所謂鄭衛之聲物亦如之

言百事皆如樂不可失節

至於煩乃舍也已無以

生疾

舍音捨 不舍則生疾

煩

君子之近琴瑟以儀節也非以怡心

也

為心之節儀使動不  
過度 左氏昭元年

六律者何黃鐘蕤賓無射太

簇夷則姑洗是也故天子左五鐘右五鐘

六律為陽六  
呂為陰凡律

呂十二各一鐘天子宮懸黃鐘  
蕤賓在南北其餘則在東西

天子將出則撞黃鐘右

五鐘皆應

撞丈江反 黃鐘在陽陽氣動西五鐘在陰  
陰氣靜君將出故以動告靜靜者皆和也

馬鳴中律步者皆有容駕者皆有文御者皆有數步者

中規折還中矩立則磬折拱則抱鼓

中去聲 折之設反  
還音旋 言聲合

於樂體比  
於禮也

然後大師奏登車告出也

大音泰 周禮  
王出入奏三夏入

則撞蕤賓左五鐘皆應

蕤賓在陰東五鐘在陽君入故以靜告動動者則亦皆和之也

以治容貌容貌得則氣得氣得則肌膚安肌膚安則色

齊矣

入故欲其靜也

蕤賓聲狗吠蠃鳴及倮介之蟲皆莫不延

頸以聽蕤賓

蠃直吏反倮力果反皆守物及陰之類也

在內者皆玉色在

外者皆金聲

玉色反具正性也金聲其事殺

然後少師奏登堂就席告

入也

少去聲成大師之事者也

少師佐此言至樂相知物動相生同聲

相應之義也古者帝王升歌清廟

樂章名

大琴練弦達越

大琴朱弦達越以韋為鼓謂之搏拊何以也

拊方武反練弦朱

弦互文也越下孔也凡練弦達越搏拊者象其德寬和

君子有大人聲不以鐘鼓

竽瑟之聲亂人聲清廟升歌者歌先人之功烈德澤也

故欲其清也

烈業也

其歌之呼也

呼出聲也

曰於穆清廟於者

歎之也穆者敬之也清者欲其在位者徧聞之也故周

公升歌文王之功烈德澤苟在廟中嘗見文王者愀然

如復見文王故書曰搏拊琴瑟以詠祖考來假此之謂

也

於音烏愀七小反假音格原闕

賓牟賈侍坐於孔子孔子與之

言及樂曰夫武之備戒之已久何也對曰病不得其衆

也武謂周舞也備戒擊鼓警衆病猶憂也以不得衆心為憂憂其難也咏歎之淫液之何

也對曰恐不逮事也液音亦也逮及也咏歎淫液歌遲發揚蹈

厲之已蚤何也對曰及時事也蚤音早武事當施也時至武坐致

右憲左何也對曰非武坐也言武之事無坐也致謂膝至地也憲讀為軒聲之誤

聲淫及商何也對曰非武音也言武歌在正其軍不貪商也時人或說其義為

貪商也子曰若非武音則何音也對曰有司失其傳也若

非有司失其傳則武王之志荒矣傳直專反有司典樂者也傳猶說也荒

老耄也言典樂者失其說也而時人妄說也書曰王耄荒子曰唯丘之聞諸萇弘亦

若吾子之言是也

莖直長反  
莖弘周大夫

賓牟賈起免席而請曰

夫武之備戒之已久則既聞命矣敢問遲之遲而又久

何也

遲之遲謂  
久立於綴

子曰居吾語女夫樂者象成者也摠干

而山立武王之事也發揚蹈厲大公之志也武亂皆坐

周召之治也

語去聲女音汝大音泰召時詔反  
安坐也成謂已成之事也摠干持盾也山

立猶正立也象武王持盾正立待諸侯也發揚蹈厲所  
以象威武時也武舞象戰鬪也亂謂失行列也失行列

則皆坐象周公召  
公以文止武也

且夫武始而北出再成而滅商三成

而南四成而南國是疆五成而分周公左召公右六成

復綴以崇

綴知衛反下同 成猶奏也每奏武曲一終

時也三奏象克殷有餘力而反也四奏象南方荆蠻之國侵畔者服也五奏象周公召公分職而治也六奏象

兵還振旅也復綴反位止也 天子夾振之而駟伐盛威

於中國也

夾振之者王與大將夾舞者振鐸以為節也駟當為四聲之誤也武舞戰象也每奏四伐

一擊一刺為一伐牧誓曰分夾而進事蚤濟也

猶為也濟成也舞者各有部曲之列 久立於綴以待諸

侯之至也

象武王伐紂 且女獨未聞牧野之語乎

欲語以作 武王克殷反商未及下車而封黃帝之後於

薊封帝堯之後於祝封帝舜之後於陳下車而封夏后  
氏之後於杞投殷之後於宋封王子比干之墓釋箕子  
之囚使之行商容而復其位庶民弛政庶士倍祿濟河  
而西馬散之華山之陽而弗復乘牛散之桃林之野而  
弗復服車甲衅而藏之府庫而弗復用倒載干戈包之  
以虎皮將帥之士使為諸侯名之曰建橐然後天下知  
武王之不復用兵也

薊音計行去聲弛始氏反華去聲  
弗復之復扶又反下不復同衅許

靳反與轡同倒丁老反將去聲帥率內反橐音羔反  
當為及字之誤也及商謂至紂都也牧誓曰至于商郊



牧野封謂故無土地者也投舉徙之辭也時武王封紂  
子武庚於殷墟所徙者微子也後周公更封而大之積  
土為封紂比干墓崇賢也行猶視也使箕子視商禮樂  
之官賢者所處皆令反其居也弛政去其紂時苛政也  
倍祿復其紂時薄者也散猶放也桃林在華山旁甲鎧  
也衅釁字也包干戈以虎皮明能以武服兵也建讀為  
鍵字之誤也兵甲之衣曰櫜鍵櫜言閉藏兵甲也詩曰  
載櫜弓矢春秋傳曰垂櫜而入周禮曰櫜之欲其約也  
薊或為績散軍而郊射左射貍首右射騶虞而貫革之  
祝或為鑄

射息也裨冕搢笏而虎賁之士說劒也祀乎明堂而民

知孝朝覲然後諸侯知所以臣耕藉然後諸侯知所以

敬五者天下之大教也

裨被支反搢音進賁音奔說吐  
活反朝音潮郊射為射宮於

郊也左東學也右西學也狸首騶虞所以歌為節也貫革射穿甲革也裨冕衣裨衣而冠冕也裨衣袞之屬也措猶插也賁憤怒也文王之廟為明堂制耕藉藉田也

食三老五更於大學天子

袒而割牲執醬而饋執爵而醕冕而摠干所以教諸侯

之弟也

食音嗣更古衡反大音泰醕音盾弟大計反三老五更互言之耳皆老人更知三德五事者也冕而摠干親在舞位

也周名大學曰東膠

若此則周道四達禮樂交通則

夫武之遲久不亦宜乎

言武遲久為重禮樂樂記

魏文侯問於

子夏曰吾端冕而聽古樂則唯恐臥聽鄭衛之音則不

知倦敢問古樂之如彼何也新樂之如此何也

魏文侯晉大夫

畢萬之後借諸侯者也端玄  
衣也古樂先王之正樂也

子夏對曰今夫古樂進旅

退旅和正以廣弦匏笙簧會守拊鼓始奏以文復亂以

武治亂以相訊疾以雅君子於是語於是道古脩身及

家平均天下此古樂之發也

拊音撫相息亮反訊音信  
旅猶俱也俱進俱退言

其齊一也和正以廣無姦聲也會猶合也皆也言衆皆  
待擊鼓乃作周禮大師職曰大祭祀帥瞽登歌令奏擊

拊下管播樂器令奏鼓棟文謂鼓也武謂金也相即拊  
也亦以節樂拊者以韋為表裝之以糠糠一名相因以

名焉今齊人或謂糠為相雅亦  
樂器名也狀如漆甯中有椎

今夫新樂進俯退俯姦

聲以濫溺而不止及優侏儒獲雜子女不知父子樂終

不可以語不可以道古此新樂之發也

反 侏音朱擾乃刀  
俯猶曲也

言不齊一也濫濫竊也溺而不止聲淫亂無以治之獲  
獼猴也言舞者如獼猴戲也亂男女之尊卑擾或為優

今君之所問者樂也所好者音也夫樂者與音相近而

不同

好去聲 言文侯好音而不知樂  
也鏗鏘之類皆為音應律乃為樂

文侯曰敢問何

如

欲知音  
樂異意

子夏對曰夫古者天地順而四時當民有德

而五穀昌疾疢不作而無妖祥此之謂大當然後聖人

作為父子君臣以為紀綱紀綱既正天下大定天下大

定然後正六律和五聲弦歌詩頌此之謂德音德音之

謂樂

當去聲疾勑覲反  
當謂樂不失其所

詩云莫其德音其德克明克

明克類克長克君王此大邦克順克俾俾于文王其德

靡悔既受帝祉施于孫子此之謂也

莫亡伯反長丁丈  
反王去聲施以政

反

此有德之音所謂樂也德正應和曰莫照臨四方

曰明勤施無私曰類教誨不倦曰長慶賞刑威曰君慈

和編服曰順俾當為比聲之誤也擇善從之曰比施  
延也言文王之德皆能如此故受天福延於後世也今

君之所好者其溺音乎

好去聲  
之德則所好非樂也言無文王

文侯曰敢

問溺音何從出也

玩習之久不  
知所由出也

子夏對曰鄭音好濫淫

志宋音燕女溺志衛音趨數煩志齊音敖辟喬志此四

者皆淫於色而害於德是以祭祀弗用也

殺音傲辟讀為僻喬音驕

言四國皆出此溺音濫濫竊姦聲也燕安也春秋傳曰懷與安實敗名趨數讀為促速聲之誤也煩勞也祭

祀者不用淫樂

詩云肅雍和鳴先祖是聽夫肅肅敬也雍雍和

也夫敬以和何事不行

言古樂敬且和故無事而不用溺音無所施

為人君

者謹其所好惡而已矣君好之則臣為之上行之則民

從之詩云誘民孔易此之謂也

好惡並去聲易以政反誘進也孔甚也言民

從君所好惡進之於善無難

然後聖人作為鞀鼓控楬墮箎此六者

德音之音也

鞀音桃控苦江反楬苦瞎反墮許袁反箎音池

六者為本以其聲質也控楬謂祝

敵也。燠，荒也。或為冥，虞。

然後鐘磬竽瑟以和之，于戚施狄以舞之。此

所以祭先王之廟也。所以獻酬酢酢也。所以官序貴賤

各得其宜也。所以示後世有尊卑長幼之序也。

酬，市由反。酢，音

昨長丁丈反。謂尊卑樂器列數有差次。

官序貴賤

鐘聲鏗鏗以立號號以立橫

橫以立武。君子聽鐘聲則思武臣。

鏗，苦耕反。號，號令所以警衆。

也。橫，充也。謂氣作充滿也。

石聲磬磬以立辨辨以致死。君子聽磬聲

則思死封疆之臣。

石聲磬磬當為磬字之誤也。辨，謂分明於節義。

絲聲哀哀以

立廉廉以立志。君子聽琴瑟之聲則思志義之臣。

廉，廉隅也。

竹聲濫濫以立會會以聚衆君子聽竽笙簫管之聲則

思畜聚之臣

濫力敢反 濫之意猶擊聚也會猶聚也聚或為最

鼓聲之聲謹謹

以立動動以進衆君子聽鼓聲之聲則思將帥之臣

步

西反將去聲帥所類反則人意動作謹或為微動或為勲

閩謹罵

君子之聽音非聽其

鏗鎗而已也彼亦有所合之也

鎗七羊反成已之志

以聲合樂記

孔子學琴於師襄子襄子曰吾雖以擊磬為官然能於

琴今子於琴已習可以益矣孔子曰丘未得其數也有

間曰已習其數可以益矣孔子曰丘未得其志也有間



曰已習其志可以益矣孔子曰丘未得其為人也有間

孔子有所謬然思焉

謬然深思貌

有所畢然高望而遠眺焉

畢音繹眺他吊反眺見

曰丘追得其為人矣

追也

黯而黑頎然長

曠如望羊

黠徒感反頎音祈用志廣遠望羊遠視也

掩有四方

掩同也文王之時三

分天下有其二後周有四方文王之功也

非文王其孰能為此師襄子避席

葉拱而對曰

葉拱兩手薄其心也

君子聖人也其傳曰文王操

家語

孔子至齊郭門之外遇一嬰兒挈一壺相與俱行其

視精其心正其行端孔子謂御曰趣驅之趣驅之韶樂

方作於是至而聞韶學之三月不知肉味曰不圖為樂

之至於此也故樂非獨以自樂也又以樂人非獨以自

正也又以正人至矣哉

趣音促自樂樂人之樂音洛

原闕 吳公子札

來聘請觀於周樂

魯以周公故有天子禮樂

使工為之歌周南召南

為去聲後同召音邵各依其本國歌所常用

此皆聲曲

曰美哉

美其聲

始基之矣

周南

召南王化之基

猶未也

猶有商紂未盡善也

然勤而不怨矣

未能安樂然其音不怨怒

為之歌邶鄘衛

邶音佩鄘音容三監三監叛周公滅之

武王伐紂分其地為

更封康叔并三

監之地故三國盡被康叔之化

曰美哉淵乎憂而不困者也

淵深也亡國之音哀

以思其民困衛康叔武公之德化深遠雖遭宣公淫亂懿公滅亡民猶秉義不至於困

吾聞衛康

叔武公之德如是是其衛風乎

康叔周公弟武公康叔九世孫皆衛之令德君

也聽聲以為別故有疑言

為之歌王

王泰離也幽王遇西戎之禍平王東遷王政不行於天下風俗

下與諸侯同故不為雅

曰美哉思而不懼其周之東乎

宗周隕滅故憂思猶

有先王之遺風故不懼

為之歌鄭

詩第七

曰美哉其細已甚民弗堪

也是其先亡乎

美其有治政之音識其煩碎知不能久

為之歌齊

詩第八

曰

美哉泱泱乎大風也哉

決於即反決弘大之聲

表東海者其大

公乎

大音泰太公封齊為東海之表式

國未可量也

言其或將復興

為之歌豳

幽彼貧反 詩第十五 幽周之舊國在新平漆縣東北

曰美哉蕩乎樂而不淫其

周公之東乎

樂音洛 蕩乎蕩蕩然也樂而不淫言有節周公遭管蔡之變東征三年為成王陳

后稷先公不敢荒淫以成王業故言其周公之東乎

為之歌秦

詩第十一後仲尼刪定故不同 曰

此之謂夏聲夫能夏則大大之至也其周之舊乎

扶夫音

秦本在西戎汧隴之西秦仲始有車馬禮樂去戎狄之音而有諸夏之聲故謂之夏聲及襄公佐周平王東遷而受其故地故曰周之舊為之歌魏詩第九魏姬姓國閔元年晉獻公滅之 曰美哉渢

渢乎大而婉險而易行以德輔此則明主也

渢扶弓反易以鼓反

也 渢渢中庸之聲婉約也險當為儉字之誤 大而約則儉節易行惜其國小無明君也

為之歌

唐詩第十

曰思深哉其有陶唐氏之遺民乎不然何憂

之遠也

晉本唐國故有堯之遺風憂深思遠情發於聲

非令德之後誰能若是

為之歌陳

詩第十二

曰國無主其能久乎

淫聲放蕩無所畏忌故曰國無主

自鄆以下無譏焉

鄆古外反季子聞此

二國歌不復譏論之以其

微也為之歌小雅

小雅小正亦樂歌之常

曰美哉思而不貳

思文武之德無

貳叛之心

怨而不言

有哀音

其周德之衰乎

衰小也

猶有先王之

遺民焉

謂有殷王餘俗故未大衰

為之歌大雅

大雅陳文王之德以正天下

曰廣

哉熙熙乎

熙熙和樂聲

曲而有直體

論其聲

其文王之德乎

雅頌

所以歌盛德形容故但為之歌頌頌者以其成曰至矣

哉言直備直而不倨倨音據倨傲曲而不屈屈撓邇而不偏謙退遠

而不攜攜貳遷而不淫淫過蕩復而不厭常日新哀而不愁知命

樂而不荒樂音洛節之以禮用而不匱德弘大廣而不宣不自顯施

而不費施去聲所利而利之取而不貪義然後取處而不底底丁禮反

以守之以道行而不流制之以義五聲和宮商角徵羽八風平八方氣節

有度守有序八音克諧節有度也無相奪倫守有序也盛德之所同也頌有殷魯

故曰盛德見舞象箛南籥者箛音朔象箛舞所執南籥以籥舞也皆文王之樂

曰美哉猶有憾

美哉美其容也文王恨不及已致太平

見舞大武者

武王樂

曰美哉周之盛也其若此乎見舞韶濩者

濩音護殷湯樂

曰

聖人之弘也而猶有慙德聖人之難也

慙於始伐

見舞大夏

者

禹之樂

曰美哉勤而不德非禹其誰能脩之

盡力溝洫勤也

見

舞韶箭者

箭音簫舜樂

曰德至矣哉大矣如天之無不濤也

濤

徒報反濤覆也

如地之無不載也雖甚盛德其蔑以加於此

矣觀止矣若有他樂吾不敢請已

魯用四代之樂故及韶箭而季子知其終

也季札賢明才博在吳雖已涉見此樂歌之文然未聞中國雅聲故請作周樂欲聽其聲然後依聲以參時政

知其興衰也聞秦詩謂之夏聲聞頌曰五聲和八風平  
皆論聲以參政也舞畢知其樂終是素知其篇數左

氏襄二  
十九年

子贛見師乙而問焉曰賜聞聲歌各有宜也

如賜者宜何歌也

贛與貢同官也乙名聲歌各有宜氣順性也

子貢孔子弟子師樂師

乙曰乙賤工也何足以問所宜請誦其所聞而吾子自

執焉

樂人稱工執猶處也

夫歌者直已而陳德也動已而天地應

焉四時和焉星辰理焉萬物育焉寬而靜柔而正者宜

歌頌廣大而靜疏達而信者宜歌大雅恭儉而好禮者

宜歌小雅正直而靜廉而謙者宜歌風肆直而慈愛者



宜歌商

好去聲 商宋詩也愛或為哀直已而陳德各因其德歌所宜育生也

溫良而能

斷者宜歌齊故商者五帝之遺聲也商人識之故謂之

商齊者三代之遺聲也齊人識之故謂之齊明乎商之

音者臨事而屢斷明乎齊之音者見利而讓

斷都亂反屢數也

數斷事以其肆直也見利而讓以其溫良能斷也斷猶決也

臨事而屢斷勇也見利

而讓義也有勇有義非歌孰能保此

保猶安也知也

故歌者上

如抗下如隊曲如折止如橐木倨中矩句中鉤纍纍乎

端如貫珠

隊直媿反折之設反橐古老反中去聲句紀具反纍力追反言歌聲之著動人心之審

如有故歌之為言也長言之也說之故言之言之不足

故長言之長言之不足故嗟嘆之嗟嘆之不足故不知

手之舞之足之蹈之也

說音悅嘆和續之也

長言之引其聲也嗟

之蹈之歡之至也樂記

子路鼓琴孔子聞之謂冉有曰甚矣由

之不才也夫先王之制音也奏中聲以為節流入於南

不歸於北夫南者生育之鄉北者殺伐之域故君子之

音溫柔居中以養生育之氣憂愁之感不加于心也暴

厲之動不在于體也夫然者乃所謂治安之風也小人

之音則不然亢麗微末以象殺伐之氣中和之感不載  
於心溫和之動不存于體夫然者乃所以為亂之風昔  
者舜彈五絃之琴造南風之詩其詩曰南風之薰兮可  
以解吾民之愠兮南風之時兮可以阜吾民之財兮其得  
時阜唯脩此化故其興也勃焉德如泉流至于今王公  
大人述而弗忘殷紂好為北鄙之聲其廢也忽然至于  
今王公大人舉以為誡夫舜起布衣積德含和而終以  
帝紂為天子荒淫暴亂而終以亡非各所修之致乎由

今也匹夫之徒曾無意于先王之制而習亡國之聲豈

能保其六七尺之體哉冉有以告子路子路懼而自悔

靜思不食以至骨立夫子曰過而能改其進矣乎

家語

呂氏春秋古樂曰樂所由來者尚也

尚

必不可廢有節

有侈有正有淫矣

節適也侈大也  
正雅也淫亂也

賢者以昌不肖以亡

昔古朱襄氏之治天下也

朱襄氏古天子  
炎帝之別號

多風而陽氣

畜積萬物散解果實不成故士達作為五絃瑟以來陰

氣以定羣生

士達朱襄  
氏之臣

昔葛天氏之樂三人摻牛尾投

足以歌八閔

摻所斬反閔苦穴反葛天氏古帝名投足猶蹠足閔終

一曰載民二

曰玄鳥三曰遂草木四曰奮五穀五曰敬天常六曰達

帝功七曰依地德八曰總萬物之極

樂之八篇名也

昔陶唐氏

之始陰多滯伏而湛積

湛音沈唐氏堯之號

水道壅塞不行其

原

故有洪水之災

民氣鬱閔而滯著

著直略反讀曰遏止之

遏筋骨瑟縮

不達故作爲舞以宣導之

宣通

昔黃帝令伶倫作爲律

伶倫

黃帝伶倫自大夏之西

大夏西方之山

乃之阮隃之陰

隃式注式朱二

反

阮隃山名山北曰陰

取竹於解谿之谷以生空竅厚鈞者斷兩

節間

竹生谿谷者取其厚鈞斷兩節間以為律管

其長三寸九分而吹之以

為黃鐘之宮

斷竹長三寸九分吹之音中黃鐘之宮

吹日舍少次制十二

筒

六律六呂各有管故曰十二筒合成舍矣

以之阮隃之下聽鳳凰之鳴以

別十二律其雄鳴為六雌鳴亦六以此黃鐘之宮適合

合和

黃鐘之宮皆可以生之故曰黃鐘之宮律呂之本

法鳳之雄雌故律有陰陽上下相生故曰黃鐘之宮皆可以生之

黃帝又命伶倫與榮

援鑄十二鐘以和五音以仲春之月乙卯之日日在奎

始奏之命之曰咸池

援音袁奏十二鐘樂名之為咸池

帝顓頊生自若

水實處空桑

顓音專項計六反處居空桑

乃登為帝惟天之合正風

乃行

惟天之合德與天合風化也

其音若熙熙淒淒鏘鏘帝顓頊好

其音乃令飛龍作效八風之音

好去聲風八卦之風

命之曰承

雲以祭上帝

上帝昊天上帝

乃令鰥先為樂倡

鰥音善倡昌亮反倡始也

鰥乃偃浸以其尾鼓其腹

鼓擊

其音英

英和盛貌

帝嚳命咸黑

作為聲歌九招六列六英倭作為鼙鼓鐘磬吹苓管塤

箎因令鳳鳥天翟舞之帝嚳大喜乃以康帝德

嚳枯沃反招時

倭反倭音垂康安

帝堯立乃命質為樂質乃效山林谿谷之音

以歌

質當為變

乃以麋鞞置缶而鼓之

鞞力角反鼓擊

乃拊石擊

石以象上帝玉磬之音以致舞獸瞽搜乃拌五絃之瑟

拌

分作以為十五絃之瑟命之曰大章以祭上帝舜立

仰延乃拌瞽搜之所為瑟益之八絃以為二十三絃之

瑟帝舜乃令質脩九招六列六英以明帝德

招列英皆樂名也帝

謂

禹立勤勞天下日夜不懈通大川決壅塞鑿龍門降

通滂水以導河

滂連條反鑿龍門也降大滂流

決壅塞故

疏三江五湖注

之東海以利黔首於是命皋陶作為夏籥九成以昭其



功

黜其廉反陶音遙  
九成九變昭明

殷湯即位夏為無道暴虐萬民侵

削諸侯不用軌度天下患之湯於是率六州以討桀之

罪功名大成黜首安寧湯乃命伊尹作為大濩歌晨露

修九招六列以見其善

大濩晨露九招六  
列皆樂名善美

周文王處岐

諸侯去殷三淫而翼文王

文王古公亶父之孫王季歷  
之子也古公避獫狁之難邑

于岐山之陽有周地及受命因為天下統也淫過翼佐  
三淫謂剖比干之心斷材士之股剗孕婦之胎故諸侯

去之而佐  
文王也

散宜生曰殷可伐也文王弗許

散宜生文王  
四臣之一也

論語曰文王為西伯三分天  
下有其二以服事殷故不許

周公旦乃作詩曰文王在

上於昭于天周雖舊邦其命維新以繩文王之德武王

即位以六師伐殷六師未至以銳兵克之於牧野於音鳥

未至殷都而歸乃薦俘馘于京太室乃命周公為作大

武武馘古獲反為去聲成王立殷民反反叛王命周公踐伐之

商人服象為虐于東夷象獸名也周公遂以師逐之至于

汧南乃為三象以嘉其德故樂之所由來者尚矣非獨

為一世之所造三象周公所作樂名嘉美也尚久也自黃帝以來功成作樂故曰非獨為一世

之所造也



儀禮集傳集註卷二十七

欽定四庫全書

經部

儀禮集傳集註卷三十三

詳校官尚書臣德保

給事中臣溫常綬覆勘

總校官進士臣繆琪

校對官監丞臣張曾炳

謄錄監生臣錢雋選

欽定四庫全書

儀禮集傳集註卷二十八

宋 朱子 撰

王朝禮五

王制之甲分五

禹貢五百里甸服

甸田遍天

現方千里之內謂之甸

百里賦納總

甸服內之百里近王城者

二百里納銍

銍珍

粟反

銍刈謂禾稂

三百里納秸服

秸工八反

四百里

禾穗

穗音遂

稂也服稂役

結

儀禮集傳集註

粟五百里米

所納精者少麤者多

五百里侯服

甸服外之五百里侯侯也斥侯而服

事

百里采

侯服內之百里供王事而已不主一

二百里男邦

男任也任王者事

三

百里諸侯

三百里同為王者斥侯故合三為一名

五百里綏服

綏安也侯服外之五

百里安服王者政教

三百里揆文教

揆度也度王者文教而行之三百里皆同度待洛反

二百里奮武衛

文教外之二百里奮武衛天子所以安

五百里要服

要一

綏服外之五百里要束以文教

三百里夷

守平常之教事王者而已

二百里蔡

蔡法

也法三百里而差簡

五百里荒服

要服外之五百里言荒又簡畧

三百里蠻

以文德蠻

來之不制以法

二百里流

流移也言政教隨其俗凡五服相距為方五千里

東漸于海

西被于流沙朔南暨聲教

漸子廉反 漸入也 被及也 此言五服之外皆與王者聲

教而朝見訖于四海

傳曰禹合諸侯于塗山執玉帛者萬國

諸侯執玉附庸執帛塗山

在壽春東北 哀公七年左氏傳

王者之制祿爵公侯伯子男凡五等諸侯之上大夫卿

下大夫上士中士下士凡五等

二五象五行剛柔十日祿所受食爵秩次也上

大夫曰卿天子之田方千里

象日月之大亦取畧同也此謂縣內以祿公卿大夫元士

公侯田方百里伯七十里子男五十里不能五十里者



不合於天子附於諸侯曰附庸天子之三公之田視公

侯天子之卿視伯天子之大夫視子男天子之元士視

附庸

皆象星辰之大小也不合謂不朝會也小城曰附庸附庸者以國事附於大國未能以其名通也視

猶比也元善也善士謂命士也此地殷所因夏爵三等之制也殷有鬼侯梅伯則殷爵三等者公侯伯也周武

王初定天下更立五等之爵增以子男而猶因殷之地以九州之界尚狹也周公攝政致太平斥大九州之界

制禮成武王之意封王者之後為公及有功之諸侯大者地方五百里其次侯四百里其次伯三百里其次子

二百里其次男百里所因殷之諸侯亦以功黜陟之其不合者皆益之地為百里焉是以周世有爵尊而國小

爵卑而國大者唯天子畿內千里不增以祿羣臣不主為治民

凡四海之內九州

方千里州建百里之國三十七十里之國六十五十里之國百有二十凡二百一十國名山大澤不以封其餘

以為附庸閒田八州州二百一十國

閒音閑 建立也 立大國三十十三

公也立次國六十十六卿也立小國百二十十三  
卿也名山大澤不以封者與民同財不得障管亦賦稅  
之而已此大界方三千里三而九方千里者九也其  
一為縣內餘八各立一州此殷制也周公制禮九州大  
界方七千里七十四九方千里者四十有九也其一  
為畿內餘四十八州各有方千里者六設法一州封  
地方五百里者不過四謂之大國又封方四百里者不  
過六又封方三百里者不過十一謂之次國又封方二  
百里者不過二十五及餘方百里者謂之小國盈上四  
等之數并四十六一州二百一十國則餘方百里者百

六十四也凡處地方十里者五方百里者  
五十九其餘方百里者四十一附庸地也天子之縣內

方百里之國九七十里之國二十有一五十里之國六

十有三凡九十三國名山大澤不以盼其餘以祿士以

為間田

縣內夏時天子所居州界名也殷曰畿詩殷頌曰邦畿千里維民所止周亦曰畿畿內大國九

者三公之田三為有致仕者副之為六也其餘三待封王之子弟少國二十一者卿之田六亦為有致仕者副之為十二又三為三孤之田其餘六亦待封王之子弟小國六十三大夫之田二十七亦為有致仕者副之為五十四其餘九亦以待封王之子弟三孤之田不副者以其無職佐公論道耳雖有致仕猶可即而謀焉盼讀

班為

凡九州千七百七十三國天子之元士諸侯之附

膚不與

與音預 侯於塗山

不與不在數中也 春秋傳曰禹會諸

中國耳 中國而言萬國則是諸侯之地有方百里有方

七十里 有方五十里者禹承堯舜而然矣 要服之內地

方七十里乃能容之 夏末既衰夷狄內侵諸侯相并土

地減國數少 殷湯承之更制中國方三千里之界亦分

為九州而建此十七百七十三國焉 周公復唐虞之舊

域分其五服為九其要服之內亦方七十里而因殷諸

侯之數廣其土增其爵耳 孝經說曰周千八百諸侯布

列五千里內此又改周之法闕盛衰之中三七之間以

為說也 終此說之意五五二十五方十里者二十五也

其一為畿內餘二十四州各有方千里者三其餘諸侯

之地大小則

未得而聞也

天子百里之內以共官千里之內以為

御共音供 謂此地之田稅所給也千里之外設方伯

官謂其文書財用也 御謂衣食

五國以為屬屬有長十國以為連連有帥三十國以為

卒卒有正二百一十國以為州州有伯

張丁丈反帥色類反下同屬

連卒州猶聚也伯帥正亦長也凡長皆因賢侯為之殷之州長曰伯虞夏及周皆曰牧

八州八伯

五十六正百六十八帥三百三十六長八伯各以其屬

屬於天子之老二人分天下以為左右曰二伯

老謂上公周禮

曰九命作伯春秋傳曰自陝以東周公主之自陝以西召公主之

天子使其大夫為三

監監於方伯之國國三人

監古變反監於古銜反使佐方伯領諸侯

天

子之縣內諸侯祿也

選賢置之於位其國之祿如諸侯不得世

外諸侯嗣也

有功乃封之使之世也冠禮  
記曰繼世以立諸侯象賢也

千里之內曰甸

能治田出穀稅

千里之外曰采

九州之內也取其美物以當穀稅

曰流

謂九州之外也夷狄流移或貢

或不貢禹貢荒服之外三百里蠻二百里流

方千里者為方百里者百封

方百里者三十國其餘方百里者七十又封方七十里

者六十為方百里者二十九方十里者四十其餘方百

里者四十方十里者六十又封方五十里者百二十為

方百里者三十其餘方百里者十方十里者六十名山

大澤不以封其餘以為附庸閒田諸侯之有功者取於

間田以祿之其有削地者歸之間田 天子之縣內方

千里者為方百里者百封方百里者九其餘方百里者  
九十一又封方七十里者二十一為方百里者十方十  
里者二十九其餘方百里者八十方十里者七十一又  
封方五十里者六十三為方百里者十五方十里者七  
十五其餘方百里者六十四方十里者九十六 諸侯

世子世國

象賢也

大夫不世爵使以德爵以功

謂縣內及列國諸侯

為天子大夫者不世爵而世祿辟賢也

未賜爵視天子之元士以君其國

列國及縣內之國也

諸侯之大夫不世爵祿

中國戎夷五方之

民皆有性也不可推移

地氣使之然

東方曰夷被髮文身有

不火食者矣南方曰蠻雕題交趾有不火食者矣

雕文謂刻

其肌以丹青涅之交趾足相鄉然浴則同川臥則偁不火食地氣煖不為病

西方曰戎被髮

衣皮有不粒食者矣北方曰狄衣羽毛穴居有不粒食

者矣

衣去聲不粒食地氣寒少五穀

中國夷蠻戎狄皆有安居和味

宜服利用備器

其事雖異各自足

五方之民言語不通嗜欲不

同達其志通其欲東方曰寄南方曰象西方曰狄韞北



方曰譯

鞮丁兮反譯音亦鞮之言知也今冀部有言狄鞮者已上並王

制

周禮大司徒以土圭之灋測土深正日景以求地

中日南則景短多暑日北則景長多寒日東則景夕多

風日西則景朝多陰

深尺鵠反月之景也

土圭所以致四時日測猶度也

曰測故書求為救枉子春云當為求鄭司農云測土深謂南北東西之深也日南謂立表處大南近日也日北謂立表處大北遠日也景夕謂日映景乃中立表處大東近日也景朝謂日未中而景中立表處大西遠日也

玄謂晝漏半而置土圭表陰陽審其南北景短於土圭謂之日南是地於日為近南也景長於土圭謂之日北是地於日為近北也東於土圭謂之日東是地於日為近東也西於土圭謂之日西是地於日為近西也如是

則寒暑陰風偏而不和是未得其  
所求凡日景於地千里而差一寸  
日至之景尺有五寸

謂之地中天地之所合也四時之所交也風雨之所會

也陰陽之所和也然則百物阜安乃建王國焉制其畿

方千里而封樹之

景尺有五寸者南戴日下萬五千里地與星辰四遊升降於三萬里之中

是以半之得地之中也畿方千里取象於日一寸為正樹樹木溝上所以表助阻固也鄭司農云土圭之長尺有五寸以夏至之日立八尺之表其景適與土圭等謂之地中今潁川陽城地為然凡建邦國以

土圭土其地而制其域諸公之地封疆方五百里其食

者半諸侯之地封疆方四百里其食者參之一諸伯之

地封疆方三百里其食者參之一諸子之地封疆方二

百里其食者四之一諸男之地封疆方百里其食者四

之一

方其地猶言度其地鄭司農云土其地但為正四方耳其食者半公所食租稅得其半耳其半皆附

庸小國也屬天子參之一者亦然故魯頌曰錫之山川土田附庸奄有龜蒙遂荒大東至于海邦論語曰季氏將伐顓臾孔子曰先王以為東蒙主且在邦域之中是社稷之臣此非七十里所能容然則方五百里四百里合於魯頌論語之言諸男食者四之一

適方五十里獨此與今五經家說合耳

凡邦國千里

封公以方五百里則四公方四百里則六侯方三百里

則七伯方二百里則二十五子方百里則百男以周知

天下

以此率徧知四海九州邦國多少之數也方千里者為方百里者百以方三百里之積以九約之得

十一有奇云七伯者字之誤也周九州之界方七十里七七四十九方千里者四十九其一為畿內餘四十八州各有方千里者六周公變殷湯之制雖小國地皆方百里是每事言則者設法也設法者以待有功而大其封一州之中以其千里封公則可四又以其千里封侯則可六又以其千里封伯則可十一又以其千里封子則可二十五又以其千里封男則可百公侯伯子男亦不是過也州二百一十國以男備其數焉其餘以為附庸四海之封黜陟之功亦如之雖有大國爵稱子而已鄭司農云此制亦見大司徒職曰諸公之地方五百里諸侯之地方四百里諸伯之地方三百里諸子之地方二百里諸男之地方一百里

相維

大國比小國小國事大國各有屬相維聯也

王設其牧

選諸侯之賢者為牧使牧理之

制其職各以其所能

牧監參伍之屬用能所任秩次

制其貢各以其所

有

國之地物所有

方千里曰王畿其外方五百里曰侯服又其

外方五百里曰甸服又其外方五百里曰男服又其外

方五百里曰采服又其外方五百里曰衛服又其外方

五百里曰蠻服又其外方五百里曰夷服又其外方五

百里曰鎮服又其外方五百里曰藩服

服服事天子也詩云侯服于周

方

氏職

傳祭公謀父之言曰先王之制邦內甸服

父音甫邦內謂天

改定四庫全書

儀禮集傳集註

語曰侯甸男采衛是也凡此服數諸蠻夷要服蠻蠻

家之說皆紛錯不同唯賈君近之

夷夷圻也周禮衛圻之外曰蠻圻去王城三千五百里九州之界也夷圻去王城四千里周禮行人職曰

衛圻之外謂之要服此言蠻夷要服則夷圻朝戎狄貢或與蠻圻同也要者要結好信而服從也

荒服戎狄去王城四千五百里至五千里也四千五百里為鎮圻五千里為蕃圻在九州之外荒裔之地與戎狄同俗故謂

之荒荒忽無常之言也甸服者祭之君其見無數

侯服者祀之侯月祀也堯舜及賓服者享之君其見無數

圻二歲而見男圻三歲而見采圻四歲而見衛圻五歲而見其見必以所貢助祭於廟孝經所謂四海之內各以其職

來祭者是也要服者貢六歲一見也荒服者王王

事天子也周禮九州之外謂之蕃國世一見各以其所貴寶為贄故詩云自彼氏羌莫敢不來王日

祭

日祭祭於上食也近漢亦然

月祀

月祀於高曹也

時享

時享於二祧也

歲貢

歲貢於壇墠也

終王

終謂世終也朝嗣王及即位而來見也

先王之訓也有不

祭則修意

意志意也謂邦國之內有一違闕不供日祭者先修志意以自責也圻內近知王意

有不祀則修言

言號令也

有不享則修文

文典法也

有不貢則

修名

名謂尊卑職供之名號也晉語曰信於名則上下不干也

有不王則修德

遠人

不服則修文德以來之

序成而有不至則修刑

序成謂上五者次序已成而有

不至則有刑誅於是乎有刑不祭伐不祀征不享讓不貢

讓謹



也責謂以文辭告曉之告不王也地遠者罪輕於是乎有刑罰之辟刑不

祭也祀也有攻伐之兵伐不有征討之備征不有威讓之令享也

讓不貢也有文告之辭告不王也布令陳辭而又不至則增修

於德而無勤民於遠勤勞也是以近無不聽遠無不服

周語羊客問子思曰周自后稷封為王者後子孫據

國至大王王季文王此固世為諸侯矣焉得為西伯

乎子思曰吾聞諸子夏古之帝王中分天下使二公

治之謂之二伯殷王帝乙之時王季以功九命作伯

大音泰焉於虞反 禮九命一命受職再命受服三命受位四命受器五命受則六命受官七命受國八命受牧九命受土 受圭瓚鬯之賜 瓚才但反鬯勅亮反 禮命作伯

三曰樂器四曰納陛五曰虎賁六曰朱戶七曰斧鉞八曰弓矢九曰圭瓚 故文王因之得

專征伐此以諸侯為伯猶周召之君為伯也

召音邵周召

之地在雍州岐山之陽古公亶父避狄自豳始遷於此修德以建王業故商王帝乙命其子季歷以為西伯至紂又命文王為西伯蓋商之州長曰伯謂以文王為伯而在西也故文王行化而雍梁荆豫徐揚之人咸被其德而從之故語曰三分天下有其二以服事殷惟冀青兗一分屬紂矣文王受命作邑于豐而岐陽周召之地已空故分賜周公召公以為采邑施大王王季之化於已所職之國傳記言分陝而治者

蓋此也  
孔叢子

周成王使召康公命齊大公曰五侯九

伯女實征之以夾輔周室

召音邵女音汝五等諸侯九州之伯皆得征討其

罪齊桓因此命以夸  
左氏僖公四年

子曰自陝而東者周公主之

自陝而西者召公主之一相處乎內

陝失冉反一云當作鄭召音邵

相去聲

陝者蓋今弘農陝縣是也禮司馬主兵司徒主教司空主土春秋撥亂世以黜陟為本故舉黜

陟以所主者言之  
公羊隱公五年

周襄王命尹氏及王子虎內史

叔興父策命晉侯重耳為侯伯

重平聲以策書命晉侯為伯左氏僖

公二十  
八年

王者必立牧方三人使窺遠牧衆也遠方

之民有饑寒而不得衣食有獄訟而不平其寃失賢而不舉者入告乎天子天子於其君之朝也揖而進之曰意朕之政教有不得爾者邪何如乃有饑寒而不得衣食有獄訟而不平其寃失賢而不舉然後其君退而與其卿大夫謀之遠方之民聞之皆曰誠天子也夫我居之僻見我之近也我居之幽見我之明也可欺乎哉故牧者所以明四目達四聰也

夫音扶

儀禮集傳集註卷二十八